



**«ԻՆՏԵՐԱԿՏԻՎ ԿՐԹՈՒԹՅԱՆ ԶԱՐԳԱՑՈՒՄ»
ՀԻՄՆԱԴՐԱՄ**

**ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022**

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

ԳԵՂԵՑԻԿԻ ԶԵՎԱՎՈՐՈՒՄԸ ՍՈՎՈՐՈՂԻ ՄՈՏ

ԱՌԱՐԿԱ

ՀԱՅՈՑ ՊԱՏՄՈՒԹՅՈՒՆ

ՀԵՂԻՆԱԿ

ԱՐՏԱԿ ԴԱՎԹՅԱՆ

ՄԱՐԶ

ԱՐԱԳԱԾՈՏՆ

ՈՒՍՈՒՄՆԱԿԱՆ ՀԱՍՏԱՏՈՒԹՅՈՒՆ

ԱՊԱՐԱՆԻ ՖԻԶՄԱԹ ԱՎԱԳ ԴՊՐՈՑ

ԲՈՎԱՆԴԱԿՈՒԹՅՈՒՆ

1. Ներածություն-----2

ԳԼՈՒԽ Ա

ԳԵՂԵՑԻԿԻ ՁևԱՎՈՐՈՒՄՆ ՍՈՎՈՐՈՂԻ ՄՈՏ ԿՐԹՈՒԹՅԱՆ ՄԻՋՈՑՈՎ

2. Իդեալը որպես գեղեցիկի ձևավորման մաս -----3

3.Ոճ-----5

4.Ճաշակը որպես գեղեցիկի ձևավորման մասնիկ-----5

ԳԼՈՒԽ Բ

ԲԱՐՈՅԱԳԻՏՈՒԹՅՈՒՆԸ ԳԵՂԵՑԻԿԻ ՁևԱՎՈՐՄՆ ԳՈՐԾՈՒՄ ՍՈՎՈՐՈՂԻ ՄՈՏ

ԿՐԹՈՒԹՅԱՆ ՄԻՋՈՑՈՎ

5. Բարոյականությունը ու գեղեցիկը-----7

6. Բարին ու չարը սովորողի կյանքում-----8

7.Պարտքը ու պատրաստականությունը սովորողի դաստիարակության գործում-----9

8. Խղճի և ամոթի զգացողությունը սովորողի մոտ -----10

9. Ինչքան գեղեցիկ է, երբ մարդիկ երջանիկ են-----10

10. Էգոիզմ և ալտրուիզմ-----11

11. Ազատությունը սովորողի կյանքում-----12

12. Առաքինությունների ձևավորումը սովորողի մոտ-----13

13. Խրախուսումը և պատիժը սովորողի դաստիարակության պարտադիր պայման-----14

14.Եզրակացություններ և առաջարկություն-----17

15.Օգտագործված գրականություն-----18

ՆԵՐԱԾՈՒԹՅՈՒՆ

Գեղեցիկ է այն ամենը, ինչ մեզ գեղագիտական ապրում է պատճառում: Սա անհատական զգացողություն է և չի կարելի որոշակիորեն սահմանել: Գեղեցիկի գեղարվեստական ապրումի ձևակերպումն արվեստն է:

Ե.Քոչար

Գեղեցիկը, մեր կյանքում դրսևորվող գեղագիտական բարձրագույն արժեք է: Գեղեցիկի մեկնաբանումները միշտ եղել են փիլիսոփայական և բուն գեղագիտական շահերի, նախասիրությունների բախման առարկա: Մենք մեր կյանքի ընթացքում մեր շրջապատում հանդիպում ենք լավ կամ վատ արարքների, գեղեցիկ կամ տգեղ երևույթների: Մտածում ենք. գեղեցի՞կ է արդյոք:

Գեղեցիկը, ծագում է սուբյեկտի իդեալական պատկերացումների ու գնահատվող երևույթի մեջ:

Հին ժամանակից որոնել են «Իսկ ի՞նչ է գեղեցիկը» . հնարավոր չէ պատասխանել այդ հարցին մեկ նախադասությամբ: Տարբեր իմաստասերներ այդ հարցին պատասխանել են տարբեր ձևով. Սոկրատեսը գտնում էր, որ գեղեցիկը՝ օգտակարն ու նպատակահարմարն է, իսկ Արիստոտելը՝ չափավորը ու կարգավորվածը:

Նպատակը՝

Ուսուցիչի նպատակն է սովորողին սովորեցնել գեղեցիկը ընկալելու և գնահատելու արվեստը: Օրինակ մարդկանց արտաքին տեսքը , սովորողների վարվելակերպը միմյանց հանդեպ, հարգանք մեծերի հանդեպ, ունենան գեղեցիկ շարժում, կարողանան իրենց ճիշտ դրսևորել միջավայրում, ծանոթ լինեն արվեստի գործերին և բազմազան այլ երևույթներ:

Ուսուցչի նպատակն է (ծնողի հետ համագործակցելով) սովորողի մեջ ձևավորել գեղեցիկի իր պատկերացումը և կարող է շատ արագ դատողություններ անել տարբեր երևույթների ու իրադարձությունների մասին: Օրինակ «Ի՞նչ գեղեցիկ երեխա է», «Ի՞նչ գեղեցիկ զգեստ է հագել», «Գերազանցիկ աշակերտ է», «Ապարանը գեղեցկացել է» և այլն:

Ներկա ժամանակաշրջանում ուսուցիչի դերը սովորողի մեջ վերը նշված գաղափարախոսությունը ճիշտ ներկայացնելն ու սերմանելն է: Ուսուցչի օգնությամբ, սովորողը բացահայտելով իր համար գեղեցիկն ու տգեղը, լավն ու վատը, չարն ու բարին կկարողանա հաղթահարել և դիմակայել կյանքի փորձություններին: Մենք պետք է օգնենք

սովորողին, որ նա կատարելագործվի, նրա մեջ ձևավորենք կամք, որպեսզի նա հասնի իր երազանքին: Եվ ցանկացած իրավիճակներից դուրս գալու համար ճիշտ որոշումներ կայացնի:

Խնդիրները՝

Ներկայացնել գեղեցիկի դերը ու նշանակությունը սովորողի կյանքում .այլապես սովորողը ,չհասկանալով գեղեցիկի նշանակությունը,չի յուրացնի թեման և չի կարող կազմակերպել իր ապագա անելիքները:

Ուսուցչի խնդիրն է սովորողին գիտելիք չտալ պատրաստի ձևով, այլ նախապատրաստել և հանձնարարել սովորողին, որ դրանք ձեռք բերի ինքնուրույն՝ որոնողական , հետազոտական, համագործակցային աշխատանքի միջոցով և ներկայացնի ուսուցչին: Ինքնուրույն գործունեությունը զարգացնում է համագործակցային ուսուցումը, որոնողական աշխատանքները, ինքնագնահատման կարողությունների զարգացումը:

Ուսուցչի խնդիրն է համագործակցել ծնողի հետ, սովորողի մոտ գեղագիտական ընդունակությունների զարգացման գործում, սովորողի գեղեցիկի ընկալման գործում:

Ուսուցչի խնդիրն է վերլուծել և հասկանալ ընտանիքի ազդեցությունը երեխայի գեղագիտական դաստիարակության գործում,որպեսզի կարողանա ճիշտ մոտեցում ցույց տալ սովորողի գեղեցիկի ընկալման գործում :

Ուսուցչի խնդիրն է որ սովորողը կարողանա իր գիտելիքները կիրառել իրականություն մեջ:

ԳԼՈՒԽ Ա

ԳԵՂԵՑԻԿԻ ՁԵՎՎՈՐՈՒՄՆ ՍՈՎՈՐՈՂԻ ՄՈՏ ԻՂԵԱԼԸ ՈՐՊԵՍ ԳԵՂԵՑԻԿԻ ՁԵՎՎՈՐՄՆ ՄԱՍ

« Մարդն է բոլոր իրերի չափանիշը»

Պրոտագորաս

Ուսուցիչը, սովորողի մեջ ձևավորելով գեղեցիկը, կնպաստի, որ սովորողը իր իդեալը ճիշտ ու գեղեցիկ կառուցի: Յուրացնելով իդեալը՝ կկարողանա ճիշտ պատկերացում կազմել կատարյալի ներդաշնակի մասին, որին մենք ձգտում ենք և կփորձի գեղեցիկ ապրել իրական կյանքում՝ նմանվելով իր իդեալին :

Իդեալը մարդու (մարդկային խմբի, հասարակության) պատկերացումն է կատարյալի մասին, բարձրագույն նպատակ, որին մենք ձգտում ենք:

Մենք ունենք գեղագիտական իդեալ, գեղեցիկի, ներդաշնակության և, ընդհանրապես, գեղագիտական արժեքների մեջ էլ դրսևորվում է գեղագիտական իդեալը:

Եվ մենք պետք է օգնենք սովորողին, որ նրա մեջ ձևավորենք կամք, որպեսզի նա նմանվի իր իդեալին: Իդեալին հասնելը անհնար է, բայց բոլորը ձգտում են հասնել դրան:

Իդեալի ձևավորումը սովորողի գոյության տարբեր փուլերում կատարվում է տարբեր ձևով: Օրինակ երիտասարդների իդեալը գեղեցիկ մարմնի ձև ունեցող մարդն է, իսկ հասուն տարիքի անձանց պատկերացմամբ իդեալը կարող է լինել ինքնարտահայտված, ինքն իրեն գտած անհատը՝ անկախ արտաքին տեսքից: Ըստ իմաստասերների իդեալներ չունեցող մարդը վտանգավոր կարող է լինել հասարակության համար:

Յուրաքանչյուր դարաշրջան ունի կատարյալի և կատարելատիպի իր ընդհանրական ընկալումը: Անտիկ շրջանում իդեալը մարմանավորվում էր հունական աստվածների մեջ: Վերածննդի դարաշրջանում առաջին պլան մղվեց գեղեցիկի իդեալը, որի կենտրոնում մարդն էր: Բուրժուական ժամանակաշրջանում առաջ քաշեցին ազատության, դրամ աշխատելու կարողության իդեալները: Սոցիալիզմը առաջադրեց հավասարություն, որի հիմքում աշխատանքն էր: Ժամանակակից հասարակության իդեալը բիզնեսն է: Չկա մեկ ընդհանուր գեղագիտական իդեալ մարդկության պատմության ապրած բոլոր դարաշրջանների համար:

Յուրաքանչյուր մշակույթին բնորոշ է գեղեցիկի սեփական իդեալը, որի հիմքում ընկած են սովյալ ժողովրդի ավանդույթները, սովորությունները, ազգային մտածելակերպը և այլն: Ներկայումս մարդկությունը ապրում է գլոբալացման դարաշրջանում, որտեղ ավելի սերտ են դառնում տարբեր երկրների մշակույթների միախառնումը, մարդկանց շփումը, որն էլ իր հերթին իր հետ բերում է գեղեցիկի ընկալման նոր ձևեր ու մոտեցումներ:

ՈՃ

Միակ հատկանիշը, որը պետք է
ձեռք բերել ոճի մեջ՝ պարզությունն է:

Ստենդալ

Ուսուցիչը սովորողի մեջ պետք է դաստիարակի գեղեցիկը ,որ սովորողի մոտ ձևավորվի գեղագիտական ոճ: Ոճն էլ ձևավորում է իդեալը : Սովորողի մոտ գեղագիտական ոճ կամ ճաշակ ձևավորելու համար ուսուցիչը պետք է սովորողին ծանոթացնի համաշխարհային գրականությանը , դասական երաժշտությանը , այցելություններ թանգարան և այլն :

Ոճն այն ձևն է, որով արվեստագետը նյութականացնում է իր հոգում եղածը: Ոճն ունի բովանդակային և ձևական կողմեր: Բովանդակային կողմն այն է, թե ինչպիսի բովանդակություն է ընտրում հեղինակն իր իդեալը մեզ հասցնելու համար: Օրինակ՝ պատկերելով բնության ահեղ երևույթ՝ փոթորիկ ծովի վրա՝ Հովհաննես Այվազովսկին պատկերել է ազատ մարդու իր իդեալը. նույն բանը նա կարող էր անել նաև այլ բովանդակության ներկայացմամբ: Ոճի ձևական կողմն իրականանում է գույների, տարածական ձևերի, բառապաշարի և այլ հանգամանքների ընտրությամբ, որոնք բառի բուն իմաստով ձևավորում են իդեալը: Օրինակ Արշիլ Գորկին «Նկարիչն ու իր մայրը» կտավում, ձգտելով ցույց տալ կորցրած երջանկության կարոտախտն ու ցավը, չի պատկերել մոր ձեռքերն ամբողջությամբ դրանց փոխարեն սպիտակ ներկաբիծ թողնելով: Կարող է լինել նաև խոսելու , շփվելու,մտածելու ոճ և այլն, որը բնորոշ է բոլորիս: Ոճը հնարավորություն է տալիս ընկալողին ներկայացնելու իր գեղագիտական ճաշակը:

ՃԱՇԱԿ ՈՐՊԵՍ ԳԵՂԵՑԻԿԻ ՁԵՎԱՎՈՐՄՆ ՄԱՍՆԻԿ

Ճաշակի շնորհիվ մենք կարողանում ենք գեղեցիկը, վեհը, ներդաշնակը զանազանել ոչ գեղեցիկից: Եվ մեր խնդիրն է սովորողն տալ գեղագիտական դաստիարակություն , որի արդյունքում սովորողի մոտ կձևավորվի գեղագիտական ճաշակ:

Սովորողը (ուսուցչի և ծնողի հսկողությամբ) պետք է ունենա հնարավորություն՝ ձևավորելու նուրբ ճաշակ, քանի որ կարող է շփվել մարդկային մշակույթի ողջ գանձարանի հետ: Թանգարանները, ցուցահանդեսները, գրքերն և արվեստի այլ տեսակները հասանելի է մեզ: Եվ ուսուցչի պարտականությունն է , թույլ չտալ որ սովորողը մետենա ցածրաճաշակ, էժան, արվեստի գործերին, որը տարածվում է հեռուստացույցի միջոցով, այլ սովորողին

ծանոթացնի մարդկության կողմից ստեղծված բարձրագույն արժեքներին, որը առկա է մշակութային կյանքի բազմաթիվ ոլորտներում:

ԳԼՈՒԽ Բ

ԲԱՐՈՅԱԳԻՏՈՒԹՅՈՒՆԸ ԳԵՂԵՑԻԿԻ ՁԵԱՎՈՐՄՆ ԳՈՐԾՈՒՄ ՍՈՎՈՐՈՂԻ ՄՈՏ
ԿՐԹՈՒԹՅԱՆ ՄԻՋՈՑՈՎ

ԲԱՐՈՅԱԿԱՆՈՒԹՅՈՒՆԸ ԵՎ ԳԵՂԵՑԻԿԸ

«Վարվիր ուրիշի հետ այնպես, ինչպես

Կուզեիր, որ քեզ հետ վարվեին»

Սովորողը պետք է հասկանա որ գեղեցիկ ապրելու համար պետք է պահպանել բարոյական նորմերը, Պահպանելով բարոյական նորմերը նա նաև հարգանք կվայելի հասարակության մեջ:

Առանց բարոյական նորմերի հասարակությունում կլինի անարխիա, քանի որ, հենց հանրությունն է ստեղծում բարոյական նորմերը: Իմ կարծիքով բարոյական նորմերը պետք է մնան, քանի որ, դրա շնորհիվ մենք կարող ենք մարդ լինել և կրթված հասարակություն ստեղծել:

Բարոյականությունը ուսումնասիրելիս սովորողը կհմանա բարու և չարի, ճշտի և սխալի, առաքիության և արատի, արդարության մասին:

Սովորողը կարող է զգալիորեն ինքնուրույն կերպով,բայց ծնողի կամ ուսուցչի վերահսկողությամբ կարգավորել իր վարքը և դատել իր շուրջը տեղի ունեցող ամեն ինչի մասին:

Բարոյագիտության մեջ տարբերակում են երեք հիմնարար հասկացություններ.

- 1.Բարոյական նշանակում է բարի, լավ:
- 2.Անբարոյական նշանակում է չար, վատ:
3. Ոչ բարոյական՝ նշանակում է բարոյական հարթությունից դուրս օրինակ մաթեմատի - կական բանաձևերը,մեքենաները և այլն: Բայց մարդիկ կարող են դրանք օգտագործել լավ կամ վատ արարքների համար:Ըստ Վիտգենշտեյնի մարդկանց բարոյական կերպարի մասին պետք է դատել ոչ թե նրանց խոսքով, այլ արարքներով :Նա կարծում էր մարդու բարոյական կերպարը երևում էր նրա արարքներից:

Մարդկանց արարքները կարգավորվում են նաև իրավական նորմերով: Փորձենք հասկանալ բարոյականության և իրավունքի տարբերությունը, իրավունքը, հասարակական հարաբերությունները կարգավորում է օրենքի ուժով,իսկ բարոյականությունը, հասարակական հարաբերությունները կարգավորում է համոզմունքների գործողությունների

միջոցով: Բարոյականությունը հենվում է մարդկանց խղճի և հասարակական կարծիքի վրա: Կարելի է ասել, եթե իրավական նորմերը հիմնվում են ուժի հեղինակության վրա, ապա բարոյական նորմերը հեղինակության ուժի վրա:

Բարոյագիտության տեսությունները փորձում են պատասխանել «Ինչ է նշանակում լինել բարոյական»: Ըստ Արիստոտելի առաքինի մարդը սպանություն չի գործում ոչ թե նրա համար, որ գոյություն ունի «մի՛ սպանիր» բարոյական նորմը, այլ որովհետև ինքը ընդունակ չէ սպանելու: Ըստ Ի. Կանտի բարոյական պարտքի տեսության՝ «Գործիր միայն այն նորմի համաձայն, որով առաջնորդվելիս միաժամանակ կուզեիր, որ այն դառնա համընդհանուր օրենք»:

ԲԱՐԻՆ ՈՒ ՉԱՐԸ ՍՈՎՈՐՈՂԻ ԿՅԱՆՔՈՒՄ

Որքան մարդը բարի է, այնքան ավելի
շատ է ուրիշների մեջ բարություն տեսնում:

Բլեզ Պասկալ

Բարին մենք կարող ենք համարել գեղեցիկ(բարոյական), իսկ չարը(անբարոյական) տգեղ: Ուսուցչի դերը կայանում է նրանում, որ սովորողին տեղեկացնի չարի և բարու ու նրանց հավերժ պայքարի մասին: Սովորողը պետք է գաղափար կազմի չարի ու բարու մասին, որպեսզի կյանքի ընթացքում քիչ սխալներ թույլ տա:

Բարին և չարը ծագում են հասարակական պրակտիկայում, որպես սուբյեկտների հարաբերություններ: Բարին այն է, ինչը հասարակությունը համարում է բարոյական, դրական, պատշաճ, արտահայտում է հասարակության զարգացման պահանջունքները, նպաստում ու խթանում է դրան և արժանի է օրինակման: Չարը հասարակական զարգացմանը հակադիր բացասական արարքներն ու երևույթներն են, որոնք չի ընդունում հասարակությունը, համարում է անբարոյական և դատապարտում է: Չնայած, որ բարին լավն է, իսկ չարը՝ վատը, սակայն այս երկու հատկանիշները չեն կարող գոյություն ունենալ առանց մեկը մյուսի: Պատկերացնենք՝ չարը որպես երևույթ, անհետանում է աշխարհից. ոչ ոք “չար” չեն, բոլորը անում են միայն “բարի” գործեր: Այդ դեպքում իմաստից զրկվում է բարությունը, քանի որ հակադրություն չի լինում: Այն գործը, որը “չարի” գոյության ժամանակ որակավորվում էր որպես “բարի”, “չարի” անհետանալու դեպքում կորցնում է այդ հատկությունը: Մենք մոտավորապես գիտենք չարը ինչ է, ստացվում է՝ բարին դրա հակառակն է: Եթե մենք այլևս չիմանանք չարության իմաստը, մենք չենք կարողանա գտնել և ընկալել բարությունը: Ինչքան ուժեղ և վնասակար է չարը, այնքան էլ ուժեղ է բարին:

Բարի և չար հասկացությունները շատ հարաբերական են: Բարու և չարի գաղափարները կառուցվում են մարդու սուբյեկտիվ և անձնական փորձով պայմանավորված: Պատմությունը և անթիվ օրինակները ցույց են տալիս, որ իրական աշխարհում գոյություն չունի միանշանակ վատը և միանշանակ լավը: Դա հանդիպում է միայն գրականությունում, առավել ևս՝ մանկական հեքիաթներում: Քանի որ երեխան՝ մեծանալով դպրոց հաճախելով ավելի շատ է հասկանում աշխարհակարգը, և սովորողը պետք է գաղափար կազմի լավ ու վատի մասին, որպեսզի կարողանա ունենա սեփական կարծիք:

ՊԱՐՏՔԸ ՈՒ ՊԱՏԱՍԽԱՆԱՏՎՈՒԹՅՈՒՆԸ ՍՈՎՈՐՈՂԻ ԴԱՍՏԻԱՐԱԿՈՒԹՅԱՆ ԳՈՐԾՈՒՄ

Սովորողի մոտ պետք է դաստիարակել պարտքի և պատասխանատվություն զգացում: Եթե ուզում ենք սովորողից կերտել լիարժեք քաղաքացի, ապա պետք է նրա մեջ դաստիարակենք պարտքի զգացում և նա պատասխանատվություն պետք է կրի իր բոլոր արարքների համար: Բարոյական արժեքներին հետևելը մարդու(սովորողի) պարտքն է: Պարտքը բարոյագիտության հիմնական հասկացություններից է: Պարտքը բաժանում ենք «պարտականություն» և «պարտավորություն» հասկացությունների: Պարտականությունը վարքագծի տեսակ է, որը սահմանվում է պետության կողմից և նպատակ ունի երաշխավորելու այլ մարդկանց իրավունքները: Քանի որ պարտքն անհրաժեշտություն է, ապա այն ենթակա է կատարման, եթե նույնիսկ չի համընկնում մեր ցանկությունների, քմահաճույքների հետ: Պարտքը բարոյական բովանդակություն է ստանում այն դեպքում, երբ դրա կատարումը կամավոր է, այլ ոչ պարտադրված: Մենք պարտք ունենք մեր ծնողների, հարազատների, ընկերների, բարեկամների առջև: Մարդը պարտք ունի ոչ միայն ներկայի, այլև անցյալի և ապագայի հանդեպ: Պարտքի հասկացությունն առանցքային դեր ունի էմանուիլ Կանտի տեսության մեջ: Ըստ Կանտի՝ յուրաքանչյուր մարդ ունի ինչ-որ բաներ անելու հակումներ, ցանկություններ: Կանտի տեսության մեջ բարոյականությունը և պարտքը նույնականացված են: Եթե մարդը չի զգում պատասխանատվություն, ապա այդ մարդը անկայուն է և նա իր կյանքում հաջողությունների չի հասնի:

ԽԻՂՃԸ ԵՎ ԱՍՈԹԸ ՍՈՎՈՐՈՂԻ ՄՈՏ ԳԵՂԵՑԻԿԻ ԴԱՍՏԻԱՐԱԿՄԱՆ ԳՈՐԾՈՒՄ

«Ոչ մի վատ բան մի՛ խոսիր կամ արա, նույնիսկ եթե միայնակ ես»

Դեմոկրիտ

Ինչքան գեղեցիկ հոգի ունեն այն մարդիկ, որոնք ունեն խիղճ և ամոթ: Ուսուցիչը պետք է կարողանա սովորողին ուղղություն ցույց տալ կամ դաստիարակել ,որպեսզի սովորողը ունենա խիղճ և ամոթ Եվ ձեռք բերելով այդ գեղեցիկ հատկանիշները՝ նա կդառնա կատարելության մի մասնիկ և հասարակության հարգարժան անդամ:

Խիղճը մարդու կարողությունն է՝ քննադատորեն դիտարկելու իր արարքները, մտքերը, ցանկությունները: Խիղճը մեր ներքին դատավորն է : Խրիմյան հայրիկը խղճի մասին ասել է.- «Խիղճը հաշվեպահպան ուստիկան է, որն իբրև դատավոր սրտի աթոռի վրա բազմած խայթարում է միշտ»: Ինչպես պարտքը ,այնպես էլ խիղճը կախված չէ ուրիշի կարծիքից: դրանով է խիղճը տարբերվում ամոթից : Ամոթն հիմնված է ուրիշի կարծիքի վրա: Մենեկան ամոթի մասին ասել է.- «Ամոթն արգելում է այն, ինչ արգելված չէ օրենքով»:Խիղճը մարդու երկրորդ եսն է: Գերմանացի փիլիսոփա Կանտը խիղճը համարում է մեր մեջ ապրող օրենք: Խիղճը փոխկապակցված է պարտքի զգացման հետ: Խիղճը կապված է ոչ թե այլ մարդկանց կարծիքի, այլ պարտքի հետ: Շատ հաճախ խիղճը համարվում է մարդու երկրորդ ես-ը: Շատ բարոյագետներ կարծում են, թե խղճով մարդը ձգտում է ինքնակատարելագործման և իր առջև նորանոր պահանջներ դնում:

ԻՆՉՔԱՆ ԳԵՂԵՑԻԿ Է ,ԵՐԲ ՄԱՐԴԻԿ ԵՐՁԱՆԻԿ ԵՆ

Մի վազիր երջանկության հետևից.

այն միշտ գտնվում է քո ներսում:

Պյութագորաս

Երջանկության հասնելու համար նախ պետք է ունենաս նպատակ և հասնես այդ նպատակին: Մարդը չի կարող լիովին երջանիկ լինել, որովհետև նա ունի կորուստներ(հարազատի կորուստ): Կան երջանիկ պահեր և ձեր կյանքում ինչքն շատ են երջանիկ պահերը ուրեմ համարեք որ դուք հաջողակ մարդ եք:

Ի՞նչ է երջանկությունը երջանկությունը դրական զգացմունքային վիճակ է, որը բնորոշվում է հաճելի էմոցիաներով, որոնք էլ իրենց հերթին առաջացնում են բավարարվածության ուրախ վիճակ:Երջանկությունը պատասխան է այն հարցին, թե մարդն ինչին պետք է ձգտի: Երջանիկ լինելը կյանքի գերգույն նպատակն է : Կա երկու մոտեցում երջանկության մասին

Առաջին՝ երջանկությունը ճակատագրի նվերն է, հաջողություն, պատահականություն:

Երկրորդ՝ երջանկությունը ամբողջությամբ կախված է մարդուց, նրա բնավորությունից կամքից և ձգտումից: Որոշ հասարակագետների կարծիքով՝ երջանկությունը չպետք է

ընկալել որպես կյանքից բացարձակ բավարարվածության զգացում: Եթե մարդն ունենա բացարձակ բավարարվածության զգացում, ապա այլևս ոչինչ չի անի: Նոր բարձունքների և նվաճումների հավերժ ձգտելու զգացումն է երջանկությունը: Մարդու առանձնահատկությունն այն է, որ նա երբեք չի բավարարվում ձեռք բերածով: Մարդակային երջանկությունը հակասական է: Այն ներառում է ինչպես բավարարվածություն, այնպես էլ անբավարարվածության, նոր նվաճումների ձգտելու զգացումները: Երջանկությունը բավարարվածության և անբավարարվածության զգացումների շարունակական հերթափոխում է: Երջանկությունը չպետք է լինի եսասիրական: Հենց այս գործոններն են կարևոր բարոյականության տեսակետից: Բարոյական մարդը չի կարող երջանիկ զգալ, երբ իր շրջապատում շատերը դժբախտ են: Կա նաև տեսակետ, որ մարդն ինչքան քիչ մտածի երջանիկ լինելու մասին, այնքան ավելի երջանիկ կլինի: Եվ հակառակը, որքան մարդն ավելի շատ ձգտի երջանկության, այնքան ավելի դժվար կլինի երջանկության հասնելը:

ԷԳՈՒԶՄ ԵՎ ԱԼՏՐՈՒԻԶՄ

Էգոիզմ տերմինը կոչվում է նաև եսասիրություն, եսապաշտություն: Էգոիզմը՝ սեփական շահերին հետամուտ լինելը, դիտարկվում է որպես բարիք : Յուրաքանչյուր ոք պետք է ձգտի բավարարել իր շահերը՝ անտեսելով ուրիշի կամ ընդհանուր շահերը: Իսկ էգոիզմը հակադրում է ալտրոիզմը: Ալտրոիստները հոգ են տանում ուրիշների քան իրենց մասին: Էգոիզմը և ալտրոիզմը դրանք երկու ծայրահեղություններ են: Էգոիզմը պատկանում է եսասեր լինելու որակին, Իսկ ալտրոիզմը վերաբերում է ամբողջովին անձնագոհ լինելու որակին: Բարոյագիտության տեսանկյունից էգոիզմը բացասական դիրքորոշում է, իսկ ալտրոիզմը՝ դրական:

Բարոյագիտության մեջ կա էգոիզմի երեք ընկալում.

1. Բոլորը պետք է ծառայեն իմ շահերին
 2. Բոլորը պետք է առաջնորդվեն բարոյական նորմերով, բացի ինձնից:
 3. Բոլոր մարդիկ պետք է հետամուտ լինեն իրենց շահերի իրագործմանը:
- Այստեղ առաջին և երկրորդ ընկալումը դեմ է բարոյականության ոսկե կանոնին և մարդասիրության սկզբունքներին:

Ալտրոիզմը նշանակում է ուրիշի մասին ավելի շատ հոգ տանել, քան սեփական անձի: Ալտրոիզմը կարող է սահմանվել որպես «անշահախնդրություն», «ինքնագոհաբերում», «անձնագոհություն»: Ալտրոիզմը հոգատարությունն է այլ անձանց բարեկեցության կամ շահերի համար:

Չափավոր ալտրուիստի կանոնն է «Վարվի՛ր այնպես, որ քո անձնական շահը ծառայի ուրիշի շահին»

Էգոիզմի և ալտրուիզմի միջև տարբերությունն է.

- Էգոիստը առաջին տեղում է դնում իր շահերը, մինչդեռ ալտրուիստը իր շահերը անտեսում է
- Այս երկուսը կարելի է համարել մարդու որակի երկու ծայրահեղություն:
- Կարող են լավ ընկերներ լինել

ԱԶԱՏՈՒԹՅՈՒՆԸ ՍՈՎՈՐՈՂԻ ԿՅԱՆՔՈՒՄ

Ազատությունն այն չէ, ինչ ուզում ես
անել, այլ չանել այն, ինչ չես ուզում:

«Ժան-ժակ Ռուսո»

Ազատությունը գեղեցիկ կյանքի, սիրո, ազատ խոսքի ազատությունն է: Սովորողը պետք է սովորի և դաստիարակվի ազատության ոգով, որպեսզի ոչ մի ազգ չկարողանա բռնանալ նրա կամքին, մենք պետք է այնպես ուսուցանեք և դաստիարակենք մեր սովորողներին, որպեսզի նրանք միշտ ձգտեն ազատության, չհանդուրժեն ոչ մի թշնամու և ամուր լինեն մեր լեռների պես:

Յուրաքանչյուր մարդ ունի իր սեփական ազատության սահմանը և այն վերջանում է այնտեղ, որտեղից սկսվում է ուրիշի իրավունքը :

Յուրաքանչյուր ոք ունի խոսելու, արտահայտվելու, շարժվելու իրավունք: Փիլիսոփաները մշտապես բանավիճել են այն հարցի շուրջը, թե արդյոք մարդն ազատ է իր գործողություններում:

Առաջին- մարդը ենթարկվում է բնության օրենքներին

երկրորդ - մարդը ենթարկվում է հասարակական նորմերին

երրորդ -մարդը ենթարկվում է իրավական նորմերին:Այսքանով հանդերձ մարդը կարո՞ղ է ազատ լինել:Մի շարք փիլիսոփաներ կարծում են, որ այս աշխարհում ամեն ինչ ունի իր պատճառները: Եվ այդ պատճառները անհատից դուրս են և մենք չենք կարող անհատից պահանջել որոշակի վարքագիծ, որովհետև մարդը չունի կամքի ազատություն և մենք չենք կարող մարդուց պահանջել բարոյական պատասխանատվություն:

Իսկ իրենց հակառակորդները պնդում են, որ կան բաներ ,որոնք անելու կամ չանելու հարցում մարդն ազատ է : Այսինքն ազատ լինել նշանակում է ոչ թե անել այն ամենը, ինչ ուզում ես, այլ անել այն, քանի դեռ չես ոտնահարել ուրիշի ազատությունը: Յուրաքանչյուր մարդ պետք է

ազատ լինի իր ընտրության մեջ և կատարի իր օրինական ցանկությունները: Եթե անձին տրվում է ազատություն, ապա նա պարտավոր է կրել նաև պատասխանատվություն: Չի կարելի ապրել բաձարձակ ազատ: Եթե դա իրականություն լիներ, ապա աշխարհում քառս կտիրեր, և մարդիկ կդառնային անկառավարելի:Այդ իսկ պատճառով կան որոշակի սահմանափակումներ որպեսզի մադիկ չտոնահարեն ուրիշի իրավունքները:

ԱՌԱՔԻՆՈՒԹՅՈՒՆՆԵՐԻ ՁԱՎՈՐՈՒՄԸ ՍՈՎՈՐՈՂԻ ՄՈՏ

«Կատարյալ առաքինությունը

սեփական չափն իմանալն է»

Մատթեոս Ջուղայեցի

Սովորողը եթե ուզում է կատարելագործվել , պետք է կարողանա պայքարել գայթակղությունների ինչպես նաև մահացու մեղքերի դեմ:

Առաքինությունը հունարենից թարգմանաբար նշանակում է կատարյալ:Առաքինություն բառը օգտագործվում է երկու իմաստով.

Առաջին, երբ առաքինությունն օգտագործում են եզակի թվով ,ապա այն ընկալվում է որպես բարոյական հասկացության հոմանիշ:

Երկրորդ, երբ առաքինություն բառը օգտագործում ենք հոգնակի թվով , ապա նկատի ենք ունենում մարդուն բնորոշ դրական հատկանիշ:Առաքինությունները սովորական հատկանիշներ չեն ,մարդը ինքը պետք է ուզենա գործելու բարոյական սկզբունքներով: Առաքինությունները բաժանում են մտքի և բնավորության :Մտքի առաքինությունները համարվում են սովորելու արդյունք, իսկ բնավորության առաքինությունները սովորույթի, վարքագծի:

Առաքինությունները լինում են հիմնարար և աստվածաբանական, որոնք հակադրվում են յոթ մահացու մեղքերին.

- Ողջախոհություն
- Քաջություն
- Արդարություն
- Չափավորություն
- Հավատ
- Հույս
- Սեր

• Ավելի ուշ հայտնվեց առաքինությունների մեկ այլ ցուցակ՝ կազմված յոթ հիմնական մեղքերի հակապատկերներից.

- Կուսություն
- Չափավորություն
- Սեր
- Ջանք
- Համբերություն
- Բարություն
- Հնազանդություն

• Ըստ Դավիթ Անհաղթի մարդու հոգին բաժանվում է երեք մասի՝ բանական, կամային և ցանկական: Դրանցից յուրաքանչյուրն ունի որոշակի առաքինություն, որոնք են՝ խոհականությունը (հոգու բանական մասը), արիությունը (հոգու կամային մասը), ողջախոհությունը (հոգու ցանկական մասը) և արդարությունը (հավասարապես տարածում է հոգու բոլոր մասերի վրա): Մատթեոս Ջուղայեցին առաքինությունները բաժանում էր երեք խմբի՝ ձեռքբերովի, բնածին և ի վերուստ տրված: Ի վերուստ տրված առաքինություններով օժտված են միայն ընտրյալները :

ԽՐԱԽՈՒՍՈՒՄԸ ԵՎ ՊԱՏԻԺԸ ՍՈՎՈՐՈՂԻ ԴԱՍՏԻԱՐԱԿՈՒԹՅԱՆ ՊԱՐՏԱԴԻՐ ՊԱՅՄԱՆ

Երե սովորողը դրական գործողություն է կատարում պետք է խրախուսվի իսկ բացասականի դեպքում պետք է պատժվի: Եվ սովորողը պետք է ընդունի որ իրեն ճիշտ են պատժել կամ խրախուսել: Արդարության ապահովման միջոցներից է խրախուսումը: Կա խրախուսման չորս եղանակ՝

1. հավասարապես. շատ իրավիճակներում մարդկանց հավասար խրախուսելը ցանկալի է, բայց ոչ արդար, քանի որ մարդիկ ի բնե հավասար են:

2. ըստ ընդունակությունների պետք է տարբերակել բնատուր և ձեռքբերովի խրախուսումը: Շատ մարդիկ ունենալով բնատուր ընդունակություններ սահմանափակվում են դրանցով, իսկ ձեռքբերովի ընդունակությունները մարդուց պահանջում են ջանքեր և ժամանակ:

3. Ըստ կարիքների տարբերակվում են մասնավոր և հանրային կարիքները: Օրինակ մասնավոր կարիք է ընտանիքի աղքատությունը, իսկ բժշկի աշխատանքը հանրային կարիք

է: Քանի որ բժշկի ծառայություններից օգտվում է հասարակությունը հետևաբար բժշկին պետք է խրախուսել:

4.Ըստ արժանիքների արժանի լինել նշանակում է շատ ջանք գործադրել: Արժանի լինել նշանակում է ավելի լավ արդյունքի հասնել:

Կա պատիժը ներկայացվող չորս պահանջ.

1.տհաճ

2.հիմնավորված

3.իրավասու անհատի կամ մարմնի կողմից

4. կանոնների և նորմերի համաձայն:

Կա պատժի երկու մոտեցում. Ըստ արժանավույն (պետք է պատժել ըստ նրա կատարած զանցանքի կամ հանցանքի ծանրության) և օգտապաշտական (կարևորում է ոչ թե արժանի պատժի հանգամանքը այլ թե տվյալ պատիժը որքանով կօգնի, որ հետագայում նույն քայլը չկատարի):

Խրախուսանքը և պատիժը համարվում են դաստիարակության ամենակարևոր մեթոդներից: Յուրաքանչյուր արարք լինի դրական թե՛ բացասական չպետք է մնա անարձագանք:

Պատիժը կարող է օգնել որոշ դեպքերում ,եթե կիրառվում է իսկազգի մոտեցմամբ: Ստորև դրված են պատժի ու խրախուսանքի հիմնարար կանոնները.

Պատժի և խրախուսանքի հիմնարար կանոնները

Պատիժը չպետք է վնասի սովորողի հոգեբանական և ֆիզիկական առողջությանը,

Ամեն մի զանցանքի համար ` մեկ պատիժ,

Սովորողը չպետք է խուճապի ենթարկվի, եթե հասկանում է, որ պատժվելու է

Չի կարելի վիրավորել և ցածրացրացնել սովորողին, կարգավիճակը և ուժը չպետք է օգտագործել նրան նսեմացնելու համար

Երբեք չպատժե՛լ

- խփելով
- անթույլատրելի բառերով վիրավորելով
- ստորացնելով

Պատիժը կարող է փոխարինվել այլ միջոցառումներով՝

- Լինել համբերատար , սա ամենամեծ օգնականն է

- Պետք է հակիրճ բացատրել թե ինչու[՞] է իր արաքը սխալ
Սովորեցնել երեխային գնահատել իր վարքը

ԵԶՐԱԿԱՑՈՒԹՅՈՒՆՆԵՐ ԵՎ ԱՌԱՋԱՐԿՈՒԹՅՈՒՆՆԵՐ

Վերը գրվածի նպատակն է, որ սովորողը, յուրացնելով այն, կարողանա ինտեգրվել հասարակության մեջ և գեղեցիկ ու օգտակար ապրել հասարակության մեջ իր ուրույն տեղը զբաղեցնել:

Քանի որ մենք գեղեցկությանը ձգտող էակ ենք ապաստանն տեղից փորձում ենք վերցնել գեղեցկությունը: Բացի կանոնները անգիր անելուց(որը անարդյունք է) սովորողը պետք է կարողանա կիրառել այդ կանոնները կյանքում ,որը իմ կարծիքով այդքան էլ լավ չի ստացվում:

Բարոյական նորմերը հնարավորություն են տալիս մարդուն (սովորողին) դրսևորվելու որպես ինքնուրույն էակ: Եթե սովորողը փորձում է ինտեգրվել հասարակության մեջ բարոյական արժեքները պեք է պարտադիր կատարվեն և դրանում պետք է նպաստի ծնողը և ուսուցիչը: Եվ մեր նպատակն է սովորողին ուղղորդելու , որպեսզի սովորողը կարողանա կիրառել բոլոր գեղագիտական և բարոյական նորմերը կյանքում:

Մարդն իր ամբողջ կյանքի ընթացքում պետք է սովորի, կատարելագործվի, որպեսզի կյանքի դժվարություններին կարողանա դիմակայել: Անհատի (սովորողի) կատարելագործումն հնարավոր է բարոյական առաքինությունների միջոցով (հույս, հավատ, սեր, չափավորություն, արիություն, իմաստություն,արդարություն և այլն): Սովորողը պետք է յուրացնի և կիրառի իդեալը, չարն ու բարին, ոճ, ճաշակ, ազատություն, էգոիզմ և ալտրուիզմ, բարոյականություն և այլն : Նմանվելով իր իդեալին՝ սովորողը կկատարելագործվի , կկարողանա տարբերակել չարն ու բարին, լավն ու վատը, կիմանա ի՞նչ է երջանկությունը,սերը, ամոթը: Կդառնան պայքարող տեսակ և կպայքարի իր ազատության, անկախության համար, ինչպես նաև կպայքարի անօրենությունների դեմ, կդառնան առաքինի մարդ ,կունենան ոճ և ճաշակ , կունենան պարտքի զգացում և կձևավորվի որպես բարոյական մարդ և պիտանի կլինի հասարակության համար, այդ ժամանակ էլ մենք կհամարենք մեր նպատակի և խնդիրների լուծում: Եվ ո՞վ կարող է ինձ ասել, որ հենց դա չէ բնության մեջ ամենագեղեցիկը:

ՕԳՏԱԳՈՐԾՎԱԾ ԳՐԱԿԱՆՈՒԹՅՈՒՆ

1. Հասարակագիտության գիրք 10-րդ դասարան էջ 4-7, 41-47, 61-69
2. Թերզյան Թ., Գեղեցկագիտություն, Բազմավեպ, Վերնատուն, 1897, էջ 215-21, 479-84,
3. <https://anahitabgaryan.wordpress.com/2019/09/14/%D5%A3%D5%A5%D5%B2%D5%A1%D5%A3%D5%AB%D5%BF%D5%A1%D5%AF%D5%A1%D5%B6-%D5%AB%D5%A4%D5%A5%D5%A1%D5%AC/>
4. [https://hy.wikipedia.org/wiki/%D4%B2%D5%A1%D6%80%D5%AB%D5%B6_%D6%87_%D5%B9%D5%A1%D6%80%D5%A8_\(%D6%83%D5%AB%D5%AC%D5%AB%D5%BD%D5%B8%D6%83%D5%A1%D5%B5%D5%B8%D6%82%D5%A9%D5%B5%D5%B8%D6%82%D5%B6\)](https://hy.wikipedia.org/wiki/%D4%B2%D5%A1%D6%80%D5%AB%D5%B6_%D6%87_%D5%B9%D5%A1%D6%80%D5%A8_(%D6%83%D5%AB%D5%AC%D5%AB%D5%BD%D5%B8%D6%83%D5%A1%D5%B5%D5%B8%D6%82%D5%A9%D5%B5%D5%B8%D6%82%D5%B6))
5. <https://shushanblog836729527.wordpress.com/2020/11/26/%D5%A2%D5%A1%D6%80%D5%AB%D5%B6-%D5%B8%D6%82-%D5%B9%D5%A1%D6%80%D5%A8/>
6. <https://hy.wikipedia.org/wiki/%D4%B5%D6%80%D5%BB%D5%A1%D5%B6%D5%AF%D5%B8%D6%82%D5%A9%D5%B5%D5%B8%D6%82%D5%B6>
7. https://hy.wikipedia.org/wiki/%D5%85%D5%B8%D5%A9_%D5%A1%D5%BC%D5%A1%D6%84%D5%AB%D5%B6%D5%B8%D6%82%D5%A9%D5%B5%D5%B8%D6%82%D5%B6%D5%B6%D5%A5%D6%80